

2 aout 1626, 26 juillet 1617, 7 juin 1625
18 aout 1625 1^{er} juil. 1629

ARREST DE *arts & metiers* la Cour de Parlement.

Pour l'exécution des Edicts & Re-
glemens faicts sur les Arts & Me-
tiers de ce Royaume, des années
1603. 1617. 1625. 1627. & 1629.

1729



A PARIS,

De l'Imprimerie de Nicolas Alexandre, rue
de la Harpe au Sauvage.

M. D C. XXX.

Handwritten text at the top of the page, possibly a title or header, including the word "JANUARY".

EDITION

Handwritten text, possibly a date or volume number.

Handwritten text, possibly a description or list of items.

Case


F

39

.326

1130fp

THE NEW YORK
LIBRARY



Extraict des Registres du Parlement.

V En par la Cour la Requête
à elle présentée par les Co-
lonnels & Capitaines Suis-
ses, par laquelle attendu que
par les Edicts & Reglemens
sur les Arts & Mestiers de ce
Royaume, contenant les taxes de chacun
desdits Mestiers, pour leur Maistrises, leur
sont infructueux, à cause que les Iuges des
lieux reçoivent oppositions & appellatiōs
des particuliers Iurez, contre la teneur ex-
presse desdits Edicts verifiez en la Cour,
specialement ce qui concerne les quatries-
me & cinquiesme articles, faisant mention
des Artisans qui ont faict Chef-d'œuvre
ès fauxbourgs des villes esquelles il y a mai-
strise iurée, ausquels est permis faire lesdits
Mestiers. és villes, apres qu'ils les ont exer-
cez trois ans esdits fauxbourgs, sans faire

4
suer Chef d'œuvre, experience, festins ne
banquets, ne payer aucun droit de bou-
cite : & defences faictes aux Iurez desdi-
tes villes de les y troubler & empescher, à
peine de perdition de leur Maistrise, & ban-
nissement desdites villes : ils requeroient
lesdites peines estre declarées, encouruës &
executoire deliuré cōtre les contreuenā,
tant du passé que de l'aduenir, avec deffen-
ces, tant au Lieutenant Ciuil qu'au Substi-
tut du Procureur General du Roy au Cha-
stelet & autres Iuges de recevoir les oppo-
sitions & empeschemens desdits Iurez, en
ce qui concerne lesdits articles quatre &
cinquième, avec inionctiō de proceder à la
receptiō de ceux qui auront exercé leurs
Maistrises esdits faux-bourgs l'espace de 3.
ans, & voudront se faire pourvoir pour les
exercer es villes, à peine d'en respondre en
leurs propres & priez noms : Veu aussi les
Edicts & reglemēs faicts sur lesdits mestiers
des mois de Decemb. 1581. & Auil 1597. les
Arrests de verificatiō d'iceux, conclusions
du Procureur General du Roy : Et tout
consideré. LADITE COVR a ordonné &
ordonne que lesdits Edicts des Mestiers se-
ront gardez & observez selon leur forme

5
& teneur, & suivant les quatre & cinquies-
me articles; ceux qui auront esté passez
Maistres, & exercé trois ans entiers és faux-
bourgs des villes esquelles y a maistrise, les
pourront exercer és villes, sans autre Chef-
d'œuvre, banquets ne droicts de boüette:
Faiet ladite Cour inhibitions & deffences
aux Iurez & Gardes desdits Mestiers d'y
contreuenir, sur les peines y contenuës: En-
joinet au Preuost de Paris, ou son Lieute-
nant Ciuil, Substitut du Procureur Gene-
ral du Roy au Chastelet de Paris, & autres
Iuges Royaux, proceder à l'execution, &
passer outre, nonobstant oppositions ou
appellations quelconques, & sans preiudi-
ce d'icelles. Faiet en Parlement le 2. iour
d'Aoust 1603.

Signé, R A D I G V E.

*Extraict des Registres de la Cour
de Parlement.*

VEu par la Cour, la Requête à elle
présentée par les Colonnels & Ca-
pitaines des Regimens des Suisses
& Grisons, par laquelle attendu que contre
l'intention du Roy par les Edicts verifiez

qu'ils ayent sur ce qui leur est deu, les derniers procedant des Arts, trafics, Mestiers & Maistrises iurées; Et au preiudice des arrestts des 2. Aoust 1603. & autres, & mesme de celuy du 21. Mars; les Iuges des lieux recoiuent des artisans, sans les faire payer les droicts, & par appellations & oppositions, priuent les supplians de la recepte de ce qu'il leur est ordonné, pour acquitter le Roy des grâdes sommes à eux deuës: Requeroient que lesdits Edicts & Arrests fussent par les Iuges & les Iurez, gardez & observez, avec deffences de receuoir Maistres qu'ils n'ayent la quittance du Commis des supplians à faire la recepte, les Greffiers contraints leur deliurer les extraicts, les Edicts & Arrests, & pieces attachées à la requeste, conclusions du Procureur du General du Roy: Tout considéré: LADITE COVR a ordonné & ordonne que les Edicts sur la reception des Arts, Mestiers & Maistrises, serôt executez selon la verification & Arrest du 2. Aoust 1603. faict deffence aux Iuges officiers d'y contreuenir, à peine d'en respondre. Faict en Parlement le 26.iour de Iuillet 1617.

Signé, / VOISIN.

LOvis par la grace de Dieu, Roy de
 France & de Nauarre, A tous ceux qui
 ces presentes lettres verrôt, Salut. Sçauoir
 faisons comme de la sentence donnée par
 nostre Preuost de Paris ou son Lientenant,
 le dixiesme iour de Fevrier mil six cens
 vingt quatre, entre les maistres Sauetiers
 de Paris demãdeurs d'une part, & Guillau-
 me Regnard maistre Sauetier aux Faux
 bourgs S. Victor deffendeur d'autre, en-
 tr'autres choses, sans s'arrester à l'aduis du
 Substitut de nostre procureur General au
 Chasteler du 26. Octob. 1623. la reception
 faite de la personne dudit Regnard en la
 Maistrise de Sauetier de nostre ville de Pa-
 ris estre declaree nulle, deffence audit Re-
 gnard de se dire & qualifier Maistre dudit
 Mestier, ny d'exercer iceluy en nostre ville
 de Paris, à peine d'amende arbitraire sans
 despēs, eust esté par led. Renard appellé en
 nostre Cour & receu pour iuger entre lesdi-
 tes parties, si biē ou mal auoit esté appellé,
 les despens respectiuelement requis, ioinēt
 les griefs, pretendus moyens de nullité,
 production nouuelle de l'appelant ausdits
 griefs, chacune pourra respondre & contre

ladite production nouvelle bailler contre-
dicts. Veu ledit proces, griefs, responses,
conclusions & productions nouvelles, Ar-
rest du dixhuitiesme Mars 1625. entre Guil-
lanme Rommeau, Maurice Leuedante,
Nicolas Bouin, & Jean Thibault n'ague-
res Iurez & à present Bacheliers dudit Me-
stier de Sauerier, demandeurs en requeste
du vingt-sixiesme Fevrier audit an, conte-
nant à ce que les poursuittes par eux faites
contre ledit Regnard fussent declarées
bonnes & vallables, & en consequence
que sans auoir esgard au desadueu formé
par Jacques Bessard, Nicolas Frambourg,
& Claude Lancelot anciens Bacheliers
dudit Mestier, il fust passé outre au iuge-
ment dudit proces, offrât continuer & faire
lesdites poursuittes jusques au iugement,
à la charge d'estre remboursez des fraiz, si
mieux lesdits à present Iurez dudit Mestier
n'aymoient les rembourser de ceux qu'ils
ont déjà faicts, & deffendeurs en interven-
tion d'une part, & lesdits maistres Iurez Sa-
ueriers deffendeurs, & lesdits Bessard, Frā-
bourg & Lancelot ioincts avec eux, de-
mandeurs en intervention d'autre, par le-
quel lesdits Bessard & consors auroient

esté receus parties interuenantes & toutes
lesdites parties appointees en droit, es-
crire & produire, aduertissement & pro-
ductions deldits Rommeau & consors &
desdits Iurez, requeste desdits Bessard,
Frambourg & Lancelot, employée pour
tous moyens d'interuention & produ-
ction tout diligemment examinée.

Nostredite Cour par son iugement &
Arrest faisant droit sur le proces par es-
crit, a mis & met l'appellation & sentence
de laquelle a esté appellé à neant, sans a-
mende & despens de la cause d'appel, en
emendant a ordonné & ordonne que le-
dit Girard jouira du droit de maistre Sa-
netier en nostre ville de Paris, nonobstant
l'empeschement desdits Iurez, dont ils sont
debouttez & condamnez és despens de la
cause principale, fait deffences ausdits Iu-
rez dudit Faux-bourg de prester consente-
ment à la reception d'aucuns maistres du-
dit Mestier, en vertu de lettres dudit Ab-
bé de S. Victor: Et sur la demande desdits
Rommeau & consors, a mis & met les par-
ties hors de Cour & de proces, sans despēs
la taxe des adiugés a nostre Cour reservee.
Si mandons au premier des Huissiers de

nostredite Cour de Parlement, ou autre
nostre Sergent sur ce requis, qu'à la requē-
ste dudit Guillaume Regnard, le present
Arrest il mette à deuë & entiere execu-
tion selon la forme & teneur, de ce faire
te donnons pouuoir. En tesmoing de
quoy nous auons faict mettre nostre
Seel à ces presentes. Donnē à Paris, en
nostre parlement, le septième iour de Iuin,
l'an de grace mil six cens vingt-cinq, & de
nostre regne le seiziesme. Par iuge-
mēt & Arrest de la Cour, signé GALLARD.

Et plus bas est escript ce qui ensuit
Le neuuesme Iuin mil six cens vingt-cinq,
fut le present signifié & baillé coppie à
M. Iacques le Royer & Philippes Procure-
urs des parties aduerses, signé R A V X.

Extrait des Registres de Parlement.

ENtre François Bernard, maistre Bro-
deur à Paris, appellant d'une Sentence
dōnee par le Preuost de Paris, ou son Lieu-
tenant Ciuil, le dix-septiesme Iannier mil
six cēs vingt-six d'une part: Et les maistres
Iurez Brodeurs Chasubliers de ladite ville

inthemez d'autre. Veu par la Cour la Sentence dont est appel, par laquelle sur la demande del'appellant, afin d'estre receu maistre en ladite ville, deffences luy auroient esté faites de faire acte de maistre, sauf son recours pour les fraiz, ainsi qu'il verra bon estre à faire. Arrest du 26. May, par lequel sur l'appel les parties auroient esté appointees au Conseil, bailler causes d'appel, responses & produire tout ce que bon leur sèbleroit, causes d'appel, responses & productions des parties, leurs contredits. Conclusions du Procureur general du Roy, & tout considéré. Dit a esté que ladite Cour a mis & met les appellations & ce dont a esté appellé au neant sans amende, & en emendant a permis & permet audit appellant exercer la Maistrise en ceste ville de Paris, dudit mestier de Brodeur. Fait deffences aux maistres Iurez dudit mestier, de troubler ou empescher ledit appellant en l'exercice dudit mestier, à peine de vingt liures parisis d'amende, condamne les inthemez és despens de la cause d'appel. Fait en Parlement, le 18. d'Aoust 1626.

signé

RADIGVE.

LOVIS par la grace de Dieu, Roy de
 France & de Nauarre: A tous ceux
 qui ces presentes lettres verront, Salut.
 Sçauoir faisons que comme de la Sen-
 tence donnee par nostre Preuost de Pa-
 ris ou son Lieutenant Civil, le 27. Iuin
 1628. Entre Nicolas Morpanet, maistre
 Brodeur à Paris, requerant la confirma-
 tion faite de sa personne en la Maistrise
 dudit mestier de Brodeur en nostre ville
 de Paris d'une part, & les Iurez Brodeurs
 de nostre dite ville, empeschans la confir-
 mation de ladite reception faite dudit
 Morpanet, par le Substitut de nostre Pro-
 cureur general au Chastelet en la Maistri-
 se dudit mestier de Brodeur en ladite vil-
 le, le 3. May 1628. auroit esté confirmee,
 ce faisant permis audit Morpanet de tenir
 boutique ouuerte & y traualier, ainsi que
 les autres maistres de ladite ville: Et les-
 dits Iurez condamnez és despens. Eust
 esté de la part desdits Iurez Brodeurs ap-
 pellé à nostre Cour de Parlement, en la-
 quelle parties ouïes en la cause d'appel,
 & le procez par escript conclud & receu

pour iuger entre icelles, si bien ou mal au-
 roit esté appellé, joinct les griefs hors le
 procès, pretendus moyēs de nullité & pro-
 ductiō nouvelle que lesdits appellās pour-
 roient bailler dans le temps de l'Ordon-
 nance, ausquels griefs & pretendus moyēs
 de nullité, ledit inthimé pourroit respon-
 dre, & contre ladite production nouvelle
 bailler contredits aux despens desdits ap-
 pellans, joinct aussi les appellations ver-
 balles par lesdits appellans, interjetées de
 la reception dudit Morpanet audit me-
 tier: Ensemble de l'appointement à met-
 tre: Sentence de nonobstant l'appel, exe-
 cution d'icelle, & de ce qui s'en seroit en-
 suiuy, tant de Iuge incompetant qu'autre-
 ment, sur lesquelles les parties auroient
 esté appoinctées à escrire par mesmes
 griefs, respōses & produire iceluy procès.
 Veu griefs & respōses, foreclusions de
 produire de nouuel par lesdits appellans,
 productions desdites parties sur lesdites
 appellations verballes, contredits d'icel-
 le, suiuant l'Arrest du
 Procès verbal du Conseiller Cōmis du 27.
 Octobre dernier, contenant les demandes
 desdits Iurez Brodeurs, afin de deffences

particulieres de mettre à execution ladite Sentence du 27. Iuin, au prejudice de l'appel: cassation de procedure dudit Morpanet afin de main-leuée desdits mestiers sur luy saisis, par lequel lesdites parties auroient esté appointées à produire, productions desdictes parties. Arrest du 25. Octobre dernier, par lequel defences particulieres auroient esté faites d'executer ladite Sentence de postredit Preuost du 27. Iuin, & les demandes afin de cassation de procedures: condamnation de dommages & interests, & main-leuée des saisis desdits mestiers, auroient esté jointes audit appel dudit Morpanet du 30. Iuillet dernier, & pieces y attachées, contredits d'icelle: Autre Arrest du 19. Aoust dernier, Entre les Colonnels & Cappitaines Suisses, demandeurs en requête du 26. Iuillet dernier, afin d'intervention d'une part, & lesdits Iurez Brodeurs, & Morpanet deffendeurs d'autre, par lequel lesdits Cappitaines Suisses auroient esté receus parties interuenantes audit procès, bailler moyens d'intervention, forclusion d'y fournir de responses: Productions desdits Cappitaines Suisses,

& Iurez Brodeurs : Requête dudit Morpanet du 22. Aoust dernier, par laquelle il auroit employé ledit procès: Et tout diligemment examine. Nostredite Cour par son iugement & Arrest sur la demande afin de cassation de procedures a mis & met les parties hors de Cour & de proces, & faisans droit sur le proces par escrit, appellations verballes, qu'intervention: a mis & met lesdites appellatiōs au neāt, sans amende: a ordonné & ordonne que ce dont a esté appellé sortira son plein & entier effect. Ce faisant, a fait & fait main-leuee audit Morpanet des mestiers & meubles sur luy saisis, sans dommages & interests, & despens desdictes causes d'appel, Instance & intervention, la taxe des adiugez pardeuers nostredite Cour reservee. Si donnons en mandement au premier des Huissiers de nostre Cour de Parlement, ou autre Huissier ou Sergent sur ce premier requis, à la requête dudit Morpanet, le present Arrest mettre à execution deuë selon la forme & teneur: De ce faire te donnons pouuoir.

Donné à Paris, en nostre Cour de Par-
lement, le premier jour de Septembre,
l'an de grace, mil six cens vingt-neuf.
Et de nostre regne le vingtiesme.

Etaubas est escrit: Par Jugement &
Arrest de la Cour, signé RADIGVE.
& scellé.